



Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

Na osnovu člana 18. stav (1) tačka m) Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04 i 6/13), člana 119. Poslovnika o radu Skupštine Kantona Sarajevo („Službene novine Kantona Sarajevo“, broj: 41/12-Dруги нови преčišćени текст) i člana 15. stav (3) Zakona o pravobranilaštvu („Službene novine Kantona Sarajevo, br: 33/08 – Нови преčišćени текст, 7/12 i 44/16), Skupština Kantona Sarajevo je na \_\_\_\_\_ sjednici održanoj \_\_\_\_\_ 2020. godine donijela

**ODLUKA**

o davanju saglasnosti na Nacrt Ugovora o zakupu dijela prostora – južno krilo  
Doma mladih koji se zaključuje između KJP CENTAR “SKENDERIJA” d.o.o. Sarajevo  
i Turističke zajednice Kantona Sarajevo

**I**

Daje se saglasnost na Nacrt Ugovora o zakupu dijela prostora – južno krilo Doma mladih koji se zaključuje između KJP CENTAR “SKENDERIJA” d.o.o. Sarajevo i Turističke zajednice Kantona Sarajevo.

**II**

Ovlašćuju se direktor KJP CENTAR “SKENDERIJA” d.o.o. Sarajevo i predsjedavajući Povjerenstva u Turističkoj zajednici Kantona Sarajevo da potpišu Ugovor iz tačke 1. ove odluke.

**III**

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVAJUĆI  
SKUPŠTINE KANTONA SARAJEVO**

Dr. Mirza Čelik

Broj: \_\_\_\_\_/20  
Sarajevo, \_\_\_\_\_ 20. godine



## OBRAZLOŽENJE

### I – PRAVNI OSNOV

Pravni osnov za donošenje ove Odluke nalazi se u Članu 18. stav (1) tačka m) Ustava Kantona Sarajevo („Službene novine Kantona Sarajevo“ br.1/96,2/96,3/96,16/97,14/00,4/01,28/04i6/13), Članu 15. stav (3) Zakona o pravobranilaštvu („Službene novine Kantona Sarajevo, br: 33/08 – Novi prečišćeni tekst, 7/12 i 44/16) i Članu 119. Poslovnika o radu Skupštine Kantona Sarajevo („Službene novine Kantona Sarajevo“ broj: 41/12 – Drugi novi prečišćeni tekst, 15/13, 47/13, 47/15 i 47/16).

### II – RAZLOZI DONOŠENJA

KJP Centar Skenderija d.o.o. Sarajevo i Turistička zajednica Kantona Sarajevo pokrenuli su zajedničku inicijativu za smještaj Turističke zajednica Kantona Sarajevo u prostor Doma mladih KJP Centar Skenderija. Ovaj prostor od cca 1.800 m<sup>2</sup> površine do nedavno je korišten za potrebe muzeja Ars Aevi, i trenutno je prazan. Prostor je funkcionalan za obavljanje djelatnosti Turističke zajednice Kantona Sarajevo i isti se može koristiti i za kancelarijski prostor, kao i za održavanje radnih sastanaka, prezentacija i kvalitetnije promocije turističke ponude Kantona Sarajevo.

KJP Centar Skenderija d.o.o. Sarajevo i Turistička zajednica Kantona Sarajevo bi potpisali ugovor o zakupu na duži vremenski period sa cijenom zakupa u iznosu od 10.000 KM/mjesečno sa uračunatim PDV-om i uračunatim režijskim troškovima (slične uvjete je imao i muzej Ars Aevi, s tim da je mjesečni zakup plaćao Kanton Sarajevo).

Zbog pandemije koronavirusa COVID-19 znatno je smanjen obim poslovanja KJP Centar Skenderija d.o.o. Sarajevo pa bi joj sredstva primljena po osnovu realizacije ovog ugovora puno značila, a istovremeno Turistička zajednica Kantona Sarajevo, koja trenutno nema adekvatan prostor, dobila bi funkcionalan prostor na izuzetno atraktivnoj lokaciji.

Pravobranilaštvo Kantona Sarajevo shodno odredbama člana 15. Zakona o pravobranilaštvu dalo je pozitivno mišljenje na nacrt ovog Ugovora, s tim da se naziv ugovora izmjeni tako da umjesto “Ugovor o korištenju” treba da stoji: “Ugovor o zakupu”. Podnosioci inicijative su prihvatili ovu primjedbu Pravobranilaštva Kantona Sarajevo, a korigovani tekst ugovora nalazi se u materijalu.

Imajući u vidu sve navedeno predlažemo da Skupština Kantona Sarajevo donese odluku kako je predloženo.



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055,  
Fax: + 387 (0) 33 562-210  
Sarajevo, Reisa Džemaludina Čauševića 1

